

欽定四庫全書

子部

救荒本草卷六



南京中医药大学图书馆版权所有

詳校官中書臣竇汝翼

編修臣倉聖脈覆勘

欽定四庫全書

救荒本草卷六

本部

齊民要術

明

周王朱橚 撰

實可食

本草原有六種
新增十四種

葉及實皆可食

本草原有五種
新增三種

花可食

新增五種

花葉皆可食

本草原有一種

花葉實皆可食新增二種

葉皮及實皆可食本草原有二種

笋可食本草原有一種

米穀部

實可食新增七種

蕤核樹

以下木部

實可食

本草原有



蕤核樹


俗名蕤李子生函谷川谷及巴西河東皆

有今古嶠關西茶店山谷間亦有之其木高四五尺枝
條有刺葉細似枸杞葉而尖長又似桃葉而狹小亦薄
花開白色結子紅紫色附枝莖而生狀類五味子其核
仁味甘性溫微寒無毒其果味甘酸

救飢摘取其果紅紫色熟者食之

治病文具本草木部條下

酸棗樹



酸棗樹

爾雅謂之楸棗出河東川澤今城壘坡野間多有之其木似棗而皮細莖多棘刺葉似棗葉微小花似棗花結實紫紅色似棗而圓小核中仁微扁名酸棗仁入藥用味酸性平一云性微熱惡防己

救飢採取其棗為果食之亦可釀酒熬作燒酒飲未紅熟時採取煮食亦可

治病文具本草木部條下

椽子樹



橡子樹

本草橡實櫟

音歷

木子也其殼一名杼土

與切斗所在山谷有之木高二三丈葉似栗葉而大開

黃花其實橡也有棣彙

音胃

自裹其殼即橡斗也橡實


味苦澁性微溫無毒其殼斗可染皂

救飢取子換水浸煮十五次淘去澁味蒸極熟食之

厚腸胃肥健人不飢

治病文具本草木部橡實條下

荆子




荊子 本草有牡荊實一名小荊實俗名黃荊生河

間南陽宛句山谷并眉州蜀州平壽都鄉高岸及田野
中今處處有之即作莖杖者作科條生枝莖堅勁對生
枝叉葉似麻葉而踈短又有葉似栳葉而短小却多花
叉者開花作穗花色粉紅微帶紫結實大如黍粒而黃
黑色味苦性溫無毒防風為之使惡石膏烏頭陶隱居
登真隱訣云荊木之華葉通神見鬼精

救病採子換水浸淘去苦味晒乾搗磨為麵食之

治病文具本草木部牡荊實條下

實棗兒樹



實棗兒樹

本草名山茱萸一名蜀棗一名鷄足一

名魁

音奴

實一名鼠矢生漢中川谷及琅琊冤句東海

承縣海州今鈞州密縣山谷中亦有之木高丈餘葉似
榆葉而寬稍圓紋脉微麤開淡黃白花結實似酸棗大
微長兩頭尖削色赤既乾則皮薄味酸性平微溫無毒
一云味鹹辛大熱蓼實為之使惡桔梗防風防己

救飢摘取實棗紅熟者食之

治病文具本草木部山茱萸條下

孩兒拳頭

